

13B270/0702

· 戏曲本 ·

荆钗记

柯丹丘 著

吉林文史出版社

目 录

第 一 出	家门.....	(1)
第 二 出	会讲.....	(2)
第 三 出	庆诞.....	(5)
第 四 出	堂试.....	(8)
第 五 出	启媒	(11)
第 六 出	议亲	(13)
第 七 出	遐契	(17)
第 八 出	受钗	(21)
第 九 出	绣房	(27)
第 十 出	逼嫁	(30)
第 十 一 出	辞灵	(34)
第 十 二 出	合巹	(37)
第 十 三 出	遣仆	(41)
第 十 四 出	迎请	(43)
第 十 五 出	分别	(46)
第 十 六 出	赴试	(51)
第 十 七 出	春科	(53)
第 十 八 出	闺念	(58)
第 十 九 出	参相	(60)
第 二 十 出	传鱼	(65)
第 二 十 一 出	套书	(67)

第二十二出	获报	(71)
第二十三出	觅真	(76)
第二十四出	大逼	(79)
第二十五出	发水	(83)
第二十六出	投江	(85)
第二十七出	忆母	(90)
第二十八出	哭鞋	(92)
第二十九出	抢亲	(95)
第三十出	祭江	(99)
第三十一出	见母	(101)
第三十二出	遣音	(105)
第三十三出	赴任	(107)
第三十四出	误认	(109)
第三十五出	时祀	(111)
第三十六出	夜香	(114)
第三十七出	民戴	(117)
第三十八出	意旨	(120)
第三十九出	就禄	(122)
第四十出	奸诘	(124)
第四十一出	晤婿	(128)
第四十二出	亲叙	(130)
第四十三出	执柯	(132)
第四十四出	续姻	(134)
第四十五出	荐亡	(137)
第四十六出	责婢	(140)

第四十七出	疑会	(143)
第四十八出	团圆	(145)

第一出 家 门

【临江仙】〔未上〕一段新奇真故事，须教两极驰名。三千今古腹中存。开言惊四座，打动五灵神。六府齐才并七步，八方豪气凌云。歌声遏住九霄云。十分全会者，少不得仁义礼先行。〔问答照常〕

【沁园春】才子王生，佳人钱氏，贤孝温良。以荆钗为聘，配为夫妇；春闱催试，拆散鸾凰。独步蟾宫，高攀仙桂，一举鳌头姓字香。因参相，不从招赘，改调潮阳。修书远报萱堂，中道奸谋变祸殃。岳母生嗔，逼凌改嫁；山妻守节，潜地去投江。幸神道匡扶捞救，同赴瓜期往异乡。吉安会，义夫节妇，千古永传扬。

王状元不就东床婿，万俟相改调潮阳地。

孙汝权套写假书归，钱玉莲守节荆钗记。

第二出 会 讲

【满庭芳】〔生上〕乐守清贫，恭承严训，十年灯火相亲，胸藏星斗，笔阵扫千军。如遇桃花浪煖，定还我一跃龙门。亲年迈，且自温衾扇枕，随分度朝昏。〔古风〕越中古郡夸永嘉，城池阊阖人奢华。思远楼前景无限，画船歌妓颜如花。诗礼传家忝儒裔，先君不幸早倾逝。奈何家业渐凋零，报效劬劳未如意。尽交弹铗叹无鱼，甘守齏盐乐有余。萱堂淑贤齐孟母，谆谆教子读诗书。刺股悬头曾努力，引光夜凿匡衡壁。胸中拍塞书五车，舌底澜翻浪千尺。嗟吁岁月不我留，亲年老迈喜复忧。甘旨奈何缺奉养，功名况且志未酬。一跃龙门从所欲，麻衣换却荷衣绿。丹墀拜舞受皇恩，管取全家食天禄。小生姓王名十朋，表字龟龄，温州在城居住。不幸椿庭早逝，惟赖母亲训育成人。家无囊橐，忝列庠生之数；学有渊源，惭无驿宰之荣。明日府尊堂试，他时大比，未知若何！此乃天命所赋，亦非人意所期也。日昨已会相约朋友们讲学，以明经史，在此等候。

【水底鱼】〔末上〕白屋书生，胸中醉六经。蛟腾凤起，管登科，为上卿。自家府学生员王士宏，明日府尊堂试，已约朋友会讲，不免到梅溪家去，迤逦行来。此间就是。梅溪有么？〔生〕四明请了！〔末〕请了〔生〕半州为何不至？

〔末〕随后来了！

〔前腔〕〔净上〕白面儿郎，学疏才不广。粗豪狂放，指银瓶，索酒尝。自家孙汝权，府尊堂试，来到梅溪家会讲，迤丽行来。梅溪有么？〔生见介〕明日本府堂试，我等各把本经讲习一篇。〔净末〕君子讲学，以文会友，有何不可？〔生〕如此！先把四书讲一讲。〔净〕讲甚么书？〔末〕若讲四书，先讲《论语》。梅溪‘学而时习之，不亦悦乎？’半州‘有朋自远方来……’〔生〕学生乱道了。〔净〕愿闻。〔生〕‘学’之为言效也。人性皆善，而觉有先后。后觉者，必效先觉之所为，乃可以明善而复其初也。‘习’，鸟数飞也。学之不已，如鸟飞也。管见如此，望二位改教。〔末〕讲得有理。〔生〕四明，‘不亦悦乎’，怎么讲？〔末〕学生乱道。〔生〕愿闻。〔末〕既学矣，而又时习之，则所学者熟而中心喜悦，其进自不能已矣。请二位改教。〔生〕讲得有理。〔末〕半州，‘有朋自远方来，不亦乐乎！’怎么讲？〔净〕我也要讲？免了罢！〔末〕这个如何免得？〔净〕鹏大鸟也。一飞九万里，果是远方之外落者，是调也。那大鹏在远方之外飞来，不想飞得羽垂翅折，在半空中停翅而想，说道：‘我有些乞力了，莫不要调下去？’说言未尽，蹶蹬！此乃‘不亦乐乎？’〔末〕半州差了！你我同心为友，合志为朋，怎么到说了飞禽？〔净〕二位满腹文章，无忝同类。我学生不通古今，一味粗俗。诚所谓马牛而襟裾，飞禽与走兽，正是同类。〔末〕休要取笑。

〔玉芙蓉〕〔生〕书堂隐相儒，朝野开贤路。喜明年春闱已招科举，窗前岁月莫虚度，灯下简篇可卷舒。〔合〕时不

遇,且藏诸韞椟;际会风云,那时求价待沽诸。

【前腔】〔末〕悬头及刺股,挂角并投斧,叹先贤曾受许多勤苦。‘六经’‘三史’靡温故,诸子‘四书’可诵读。〔合前〕

【前腔】〔净〕家私虽富足,心性忒愚鲁,向书齐刚学得‘者也之乎。’无才学休想学干禄,有才的便能身挂绿。〔合前〕

〔生〕圣朝天子重英豪,〔末〕常把文章教尔曹。

〔净〕世上万般皆下品,〔合〕思量惟有读书高。

第三出 庆 诞

【高阳台】〔外上〕兔走乌飞，星移物换，看看鬓发皤然。嗣息无缘，幸生一女芳年。温衣饱食堪过遣，赖祖宗遗下田园。喜一家老幼平安，谢天周全。〔鹧鸪天〕华发萧萧鬓若霜，老来无子实堪伤。箕裘事业谁承继，诗礼传家孰绍芳。闲议论，细思量，欲将一女赘贤良。流行坎坷皆前定，只把丹心托上苍。老夫姓钱名流行，温城人也。昔在鸿门，忝考贡元。衣冠世裔，时乖难显於宗风。阅阅名家，学浅粗知乎礼义。不幸先妻早逝，只存一女，年方二八。欲招王十朋为婿，以继百年。自愧再婚姚氏，幸喜此女能侍父母。正是子孝双亲乐，家和万事成。今日是老夫贱诞，聊备蔬酒，少展良辰。李成那里？〔末上〕一点祥光现紫薇，匆匆瑞气蔼庭帏。齐簪翠竹生春意，共饮瑶卮介寿眉。老员外有何钧旨？〔外〕请老安人出来。〔末〕老安人有请！

【腊梅花】〔净上〕年华老大双鬓皤，胭脂膩粉幸丢抹。市人都道我，道奴相像夜叉婆。〔末〕牛头狱卒做浑家，此不是夜叉婆。〔净〕老员外万福！

【前腔】〔丑上〕奴奴体儿多袅娜，嫦娥也赛奴不过。市人都道我，道奴相像紧那罗。〔末〕小心金鼓手，此不是紧拿锣。〔丑见介〕愿嫂嫂千年朱顶鹤，愿哥哥万代绿毛龟。

[外]甚么说话！[净]姑娘，今日是你哥哥诞日，为何来得能迟？[丑]在家整备些薄礼，因此来迟。[外]妹子自家，如何送许多礼？[丑]没有什么！牵得一只黄狗，与哥哥庆寿。[外]狗庆得寿的？[丑]黄耆无疆，愿哥哥受天之庆。[净]每年间是你把盏，今年你侄女长成了，该他把盏；学些礼体。待我去叫他出来。孩儿那里？

【珍珠帘】[旦上]南极耿耿祥光灿，明星烂，庆老圃黄花娱晚。[众]去了青春不再返，且暂把身心游玩。[旦]疏散，喜团圆欢会，庆生华诞。[外]粉粉红紫竞芳尘，日永风和已暮春。[旦]但愿年年当此日，一杯寿酒庆生辰。[外]虽然如此，一则以喜，一则以忧。[净]所喜者何也？[外]所喜者家庭温厚，骨肉团圆。[丑]所忧者？[外]所忧者奈我女儿姻亲未遂。若得了汝终身，永无挂念。[旦]告爹爹知道，念玉莲温清之礼尚缺，蕝蕝之事未谕。且自开怀畅饮，不必挂念。[净]我儿说得有理。今日是寿日，说什么招女婿！有了这等如花似玉的女儿，怕无门当户对的女婿？[丑]自古道腰间有货不愁穷。取酒来，该你把盏。

【锦堂月】[旦]华发斑斑，韶光荏苒，双亲幸喜平安。庆此良辰，人人对景欢颜。画堂中宝篆香销，玉盏内流霞光泛。[合]齐祝赞，愿福如东海，寿比南山。

【前腔】[丑]筵间。绣幙围环，奇珍摆列，浑如洞府仙寰。美食嘉肴，堪并凤髓龙肝。簪翠竹同乐同欢，饮绿醕齐歌齐唱。[合前]

【前腔】[净]堪叹！雪染云鬟，霞销杏脸，朱颜去不回还。

椿老萱衰，只恐雨愁风偃。但只愿无损无伤，咱共你何忧何患。〔合前〕

【前腔】〔外〕幽闲食！可加餐，官无事扰，情怀并没愁烦。人老花残，於心尚有相关。待招赘百岁姻亲，承继我一脉根蔓。〔合前净〕李成收了罢！〔外〕妈妈，正不曾吃得酒，就收拾了？你这等慳吝！〔净〕老儿！

【醉翁子】非慳。论治家千难万难，休只管吃得瓮尽杯干。〔丑〕今番庆生席面，难做寻常一例看。〔合〕重换盏，直饮到月转花梢，影上阑杆。

【前腔】〔外〕神仙！满座间人闲事减，庆眉寿，樽前席上，正宜疏散。〔众〕欢宴！乐人祇应，品竹弹丝敲象板。〔合前〕

【侥侥令】〔众〕银台烧绛蜡，宝鼎喷沈檀望，乞苍穹从人愿〔合〕骨肉永团圆，保岁寒。

【前腔】炎凉多反覆，日月易循环，但愿岁岁年年人康健。〔合前〕

【尾】玉人弹唱声声漫，露春纤把锦箏低按，曲罢酒阑人散。

四时光景疾如梭，堪叹人生能几何。

遇饮酒时须饮酒，得高歌处且高歌。

第四出 堂 试

【谒金门】〔小外杂从上〕简命分专邦甸，报国存心文献。蒲鞭枉昭公椽，三载民无怨。千里承恩秉郡旄，矢心曾不染秋毫。公门既许清如水，吏笔何须利似刀。无德政，起童谣，聿修文事赞皇朝。愿将廉范龚黄意，布政欧城教尔曹。自家温州府太守吉天祥是也。即今宾兴之秋，又当堂试之日，下官今日考试诸生。左右，唤秀才进来！

【转山子】〔末扮学官上〕六经惭负管窥天，可信灯毡恁有缘。士子作章编，争望登高选。送生员手本。〔外〕赧生员进来。教官出去罢！〔末应下〕

【水底鱼】〔生上〕仰之弥高，钻之弥坚。忽焉在后，瞻之忽在前。

【前腔】〔末上〕学问无边，如人临广渊。意深趣远，玄玄复又玄。

【前腔】〔净上〕身似神仙，金银积万千。无心向学，终朝只爱眠。〔众见介外〕众生员起来作揖。〔众应介净〕学生皆肤见之学，望大人赐浅些题目。〔外〕众秀才，今日考试汝等，不意分巡大人报到，将就考一道策罢。起来听题。

【红衲袄】〔外〕问古人君所以贤，古人臣所可言，圣王汲汲思为善，为善还当何者先？子辈灯窗已有年，所得经书学问渊。悉心为我敷陈也，毋视庸常泛泛然。〔众递卷介〕



外]叫左右,拿那生员背起来打。〔净〕老大夫何以赐责?〔外〕我什么衙门,令人代作文字。〔净〕怎么代作文字?〔外〕这卷与这卷明明是一个人写的字,若肺腑流出,必然成诵。众生员始初送卷的,各背尔所作上来。

【前腔】〔生〕对古明君在重贤,古良臣贡举先。巫咸传说初皆贱,伊尹曾耕莘上田,皋陶既举不仁远,四皓出而汉祚安。恭承执事询愚见,敢不淳淳露胆肝。〔外〕此篇以荐贤立论,是知国家之首务者,宜取以冠首。

【前腔】〔末〕对古贤王在猎畋,古贤臣开垦先。孟轲十一言犹善,八口同耕井字田,庸言民乃国之本。故曰食为民所天。躬承执事询愚见,敢不精心进数言,〔外〕此篇以井田十一立意,足见其有忧国忧民之意。可喜!可喜!

【前腔】〔净〕对古刚明须积钱,臣奉行须聚敛。治财理赋称刘晏,功数萧何馈饷先,征粮要他加二三,粮完时赏他一个钱。若今府库充盈也,大敌闻之不敢言。〔外〕此篇陈辞未纯,立论不正。宜加刻苦之功,须革富贵之相,方免马牛襟裾之诮。庸勉庸勉。诸生过来!先递卷的甚么名字?〔生〕生员王十朋。

〔外〕今朝堂试汝魁名,他日须知作上卿。

〔众〕大惠及民夸德政,又将文字数书生。

第五出 启 媒

【荷叶鱼儿】〔外上〕春雨新收，喜见山明水秀。万花深处有鸣鸠，软红泥踏青时候。试蹑青鞋，慢拖斑竹，去寻良友。自分老林丘，诗酒朋俦。昔年璧水壮遨游，学冠同流。嗟吁独负邓攸忧，一子难留。且求佳婿续箕裘，是亦良谋。老夫昔在太学曾试贡元，人故以贡元呼之。至亲三口，继室小女而已。田园足以供衣食，庐舍足以蔽风雨。中郎有女传书业，伯道无儿嗣世家。老夫闻得王景春之子王十朋，近日堂试魁名。欲浼将仕郎南阳郡许文通为媒，求作小女之婿。故此扶筇而来，不免到他门首，且咳嗽一声。老将仕在家么？

【前腔】〔末上〕静把诗书闲究，竹扉上是谁频扣？呀！原来是老贡元。请了！〔外〕过竹方通径，穿云始见山。〔末〕家因贫故静，人为老而闲。连日少会，今日下顾，必有佳教。〔外〕只因小女未有佳配。昨闻故人王景春之子，堂试魁名，去后必有好处。敢烦将仕作伐，往彼一说，成此姻缘。但恐轻渎，有屈神劳。〔末〕鄙夫即当往议此亲。谅此富彼贫，必无辞。且请一茶。〔外〕不劳赐茶，但得早为玉成。多幸！

【三学士】弱息及笄姻未偶，故来拜屈同游。书生已露魁人手，山老因营继嗣谋。〔合〕若得良媒开笑口，这求亲愿

必酬。

【前腔】〔末〕解绶归来为至友，果然同气相求。尔玉人窈窕钟闺秀，那君子殷勤须好求。〔合〕管取两门开笑口，这求婚愿必酬。

【前腔】〔外〕人世姻缘天所授，惟媒妁得预其谋。簌瓢兀自浮仙涧，红叶犹能上溯流。〔合前〕若得。

【前腔】〔末〕谨领尊言求凤偶，管教配合鸾俦。云英志不存田玉，织女期尝订斗牛。〔合前〕管取。

〔外〕厘降篇成事岂虚。〔末〕诗言夫妇首关雎。

〔外〕人间未结前生契，〔合〕天上先成月下书。

第六出 议 亲

【绕地游】〔老旦上〕桑榆暮景，将往事空思省。家贫窘，闷怀耿耿。共姜誓盟，慕贞洁甘守孤零，喜一子学问有成。老身柏舟誓守，自甘半世居孀。榆景身安，惟爱一经教子。锥有破茅之地，尽可容身；囊无挑药之资，旋谋糊口。剪发常思侃母，断机每念轺亲。正是不求金玉贵，惟愿子孙贤。老身张氏，少适王门。自从丈夫亡后，不幸祖业凋零。止生一子，名十朋，虽喜聪慧，才学有成，奈缘时乖连蹇，功名未遂。今乃大比之年，且训诲一番。十朋那里？

【风人松】〔生上〕青霄万里未鹏抃，淹我儒冠。布袍虽拟蓝袍换，荣枯事皆由天断。且自存心奉母，何须着意求官。母亲，拜揖。〔老旦〕春榜动，选场开。收拾行李，上京科举。〔生〕母亲，事业要当穷万卷，人生须是惜分阴。正是学成文武艺，货与帝王家。孩儿只为家贫亲老，不敢远离。〔老旦〕孩儿，岂不闻《孝经》云：‘始于事亲，终于事君。’君亲一体。若得你一官半职回来，也显做娘的训子之功。〔生〕敢不遵命。〔老旦〕儿，还有一件事，前日双门巷钱贡元央许将仕议亲，无物为聘，以此不敢应承。只恐今日又来，如何是好？〔生〕母亲，岂不闻古人云，娶妻莫恨无良媒，书中有女颜如玉。孩儿只虑功名未遂，何虑无妻。〔老旦〕儿，你也说得有理。自从你父亲亡后，做娘的